

Uunga siunnersuut:

Piniarneq aallaaniarnerlu pillugit Inatsisartut inatsisaat

Kapitali 1

Atuuffik, siunertaq, nassuiaatit aamma oqartussaasut pillugit aalajangersakkat

Atuuffik

§ 1. Inatsisartut inatsisaat nunami imaanilu aalisarnikkut Kalaallit Nunaata oqartussaaffigisaani piniarnermut aallaaniarnermullu atuuppoq.

Siunertaq

§ 2. Inatsisartut inatsisaata siunertaraa piniagassat isumalluutit pissusissamisoortumik uumasooqassutsimullu illersorneqarsinnaasumik atorluarneqarnissaasa qulakkeerneqarnissaat. Inatsisartut inatsisaata ingerlanneqarnerani makku pingaartinneqassapput:

- 1) piniagassat isumalluutit piujuartinnissaat aamma kinguaassiortuarnissaat,
- 2) biologit siunnersuinerat nalinginnaasooq aamma piniartut atuisullu ilisimasaat pissarsiarineqarsinnaasut naapertorlugit naapertuuttumik ukiullu qanoq ilinera najoqqutaralugu pitsaanerpaamik atorluaanissaq,
- 3) piniarnermik inuussutissarsiuteqarnermi inuussutissarsiutinilu tassunga attuumassuteqartuni aningaasaqarnikkut suliffeqarniarnikkullu tunngasut mianerinissaat,
- 4) inuussutissarsiornikkut soqutigisat allat,
- 5) innuttaasut sukisaarsaarfeqarnikkut kulturikkullu pisariaqartitaat, aamma
- 6) nunat marluk, nunap immikkoortuinut aamma nunat tamalaat akornanni isumaqatigiissutit konventionillu.

Imm. 2. Piniarnermut aallaaniarnermullu tunngasutigut ingerlatsinermut atatillugu ilaatigut kattuffiit attuumassuteqartut kiisalu Piniarneq pillugu Siunnersuisoqatigiit aqqutigalugit piniartut atuisullu ilisimasaasa ilanngunneqarnissaat pingaartinneqassaaq.

Imm. 3. Piniarnermut aallaaniarnermullu tunngasunik ingerlatsinermut atatillugu piniartut atuisullu ilisimasaannik ilanngussinissaq, katersinissaq aamma atuinissaq pillugu maleruagassanik ersarinnerusunik Naalakkersuisut aalajangersaasinnaapput, tak. imm. 2.

Nassuiaatit

§ 3. Inatsisartut inatsisaanni matumani tulliuttut ima paasineqassapput:

- 1) Ingerlatsineq: Piniakkanik killilersukkanik agguaassineq agguaasseqqinnerlu imaluunniit piniakkanik killilersugaanngitsunik kiisalu piniarsinnaanermut allagartanik tunniussisarneq aamma pisanik nalunaarutit tiguneqarnerannik ingerlatsineq Namminersorlutik Oqartussani kommunimilu pisartooq.

- 2) Qinikkatut pisortanillu toqqakkatut suliaqarnej: Kalaallit Nunaanni Namminersornerullutik Oqartussat qinikkatut pisortanillu toqqakkatut suliaqarnej pillugu nalunaarutaannut naapertuuttumik paasineqassaaq.
- 3) Piniarnermi aallaaniarnermilu peqataasoq: Inuk kinaluunniit nammineq iliuuseqarnikkut aallaammik imaluunniit piniutinik allanik atuinikkut uumasumik nikeriarsinnaajunnaarsitsisoq, ikiliisoq toqutsisorluunniit.
- 4) Inuussutissarsiutigalugu piniarnej aallaaniarnerlu: Piniarnej aallaaniarnerlu, pisap tamakkerlugu ilaannaataluunniit tuniniarnissaa siunertaralugu ingerlanneqartoq.
- 5) Piniarnermut aallaaniarnermullu atortut: Atortut akuerisaasut, uumasup toqunnissaa siunertaralugu piniarnermi aallaaniarnermilu atornejartartut.
- 6) Angallat imaluunniit "qamutit nunakkoortit": Assartuutit suulluunniit imaatigut aamma nunakkut piniarnermut aamma aallaaniarnermut atatillugu imaluunniit piniariarfissamukarnermi piniariarfissameereernermilu assartuutit atornejartut.
- 7) Inuiaqatigiinnut kalaallinut aalajangersimasumik attuumassuteqarnej: Inuk kinaluunniit Kalaallit Nunaanni inuit allattorsimaffianni aamma ukiumi ullorsiuteqarfiusumi qaammatit arfinillit sinnerlugit Kalaallit Nunaanniittoq, aamma Kalaallit Nunaannullu akileraartussaataasoq.
- 8) Aqutsineq: Piniakkanik killilersukkanik aamma killilersugaanngitsunik piniarnej aallaaniarnerlu pillugu aalajangiisoqartillugu pingaarnertut aqutsineq, Naalakkersuisuniit kommunimiillu isumagineqartoq.
- 9) Sunngiffimmi piniarnej sunngiffimmilu aallaaniarnej: Piniarnej aallaaniarnerlu tunngaviumik pisap nammineq atornejarnissaa siunertaralugu ingerlanneqartoq.
- 10) Ataatsimoorluni piniarnej: Piniarnej piniartut arlaqartut peqataaffigisaat, akuersissut ataatsimoorussaq imaluunniit inummut namminermut atugassiaq atorlugu.
- 11) Akuersissut aamma akuersissuteqarnej: Piniakkamik aalajangersimasumik piniarnissamut aallaaniarnissamullu immikkut ittumik akuersissut, inummut angallammulluunniit ataatsimut Naalakkersuisunit atulersinneqarsimasoq.
- 12) Pingaarnertut tunisassiortoq: Inuk kinaluunniit pingaarnertut tunisassiornermik isumaginnittoq, ima paasillugu, piniakkanik nujuartanik piniarnermi aallaaniarnermilu pisanik tunisassiortoq. Matumani nioqqutissiat nutaat, taakku inaarlugit tunisassiarineqannginneranni, inunnit nerineqartussatut eqqarsaatigineqartut pineqarput.
- 13) Uumasut ajornartorsiutaasut: Uumasut kiisortut, qimaasaarneqartaraluarlutik nunap immikkoortuinut inoqarfiusunut takkuttartut, inunmut aamma immikkut aningaasaqarnikkut nalilinnik pigisanut ulorianartorsiortitsisinnaasut. Imaluunniit uumasut kiisortut uumasunik nujuartanik neqissaqarniarnermut iluaqutinut uppersararnejarsinnaasumik ajoqusiisinnasut.

Nakutiginnineq aamma nakutillineq

§ 4. Inatsisartut inatsisaanni matumani aalajangersakkat malinneqarnersut Naalakkersuisut nakutigissavaat.

Imm. 2. Inatsisartut inatsisaat una malillugu Naalakkersuisut piviusumik aqutsinerat tamakkiisumik ilaannakortumilluunniit kommunalbestyrelsinit tunniunneqarsinnaanera pillugu Naalakkersuisut maleruagassanik aalajangersaasinnaapput.

§ 5. Kalaallit Nunaanni Aalisarsinnaanermut Akuersissutinik Nakkutilliisoqarfiup, nakkutilliinermut oqartussaasutut, Inatsisartut inatsisaanni kapitali 7-imi aalajangersakkat eqquutsinneqarnersut nakkutilliiffigisarlugillu misissuiffigisarpai.

Imm. 2. Kalaallit Nunaanni Aalisarsinnaanermut Akuersissutinik Nakkutilliisoqarfiup saniatigut nakkutilliinermik oqartussaasussanik allanik Naalakkersuisut toqqaasinnaapput.

Kapitali 2

Piniarsinnaanermut aallaaniarsinnaanermullu piumasaqaatit.

Piniarnermut allagartat

§ 6. Piniarneq aallaaniarnerlu inunnit taakkununga akuersissutaateqartunit taamaallaat ingerlanneqarsinnaapput. Akuersissut inuussutissarsiutigalugu piniarnermut allagartatut imaluunniit sunngiffimmi piniarnermut allagartatut tunniunneqartarpoq, taamaattorli tak. § 16.

Imm. 2. Piniarnermut allagartanik atulersitsisarnermut akisussaaffik Naalakkersuisut kommuninut tunniussinnaavaat.

Inuussutissarsiutigalugu piniarsinnaanermut allagartaq

§ 7. Inuussutissarsiutigalugu piniarsinnaanermut aallaaniarsinnaanermullu akuersissut, inunnut 15-inik ukioqalereersimasunut taamaallaat tunniunneqarsinnaavoq taamaallaallu inunnut:

- 1) inuiaqatigiinnut kalaallinut aalajangersimasumik attuumassuteqartunut;
- 2) Kalaallit Nunaanni aalajangersimasumik najugaqartunut aamma qaammatini kingullerni 24-ni Kalaallit Nunaanni aalajangersimasumik najugaqarsimasunut,
- 3) Kalaallit Nunaannut tamakkiisumik akileraartussaataasunut aamma ukiuni ullorsiuteqarfiusuni kingullerni marlunni Kalaallit Nunaannut tamakkiisumik akileraartussaataasimasunut.
- 4) nunap immikkoortuani aqutsiveqarfiusumi piniarnikkut aallaaniarnikkullu inuussutissarsiuteqarfiusussami piniarnermut aallaaniarnermullu atortunik pisariaqartunik pigisaqartunut, pisariaqartitsinerlu naapertorlugu angallat imaluunniit assartuut motorilik ilanngullugu, aamma
- 5) pineqartunut isertitaasa tamarmiusut ikinnerpaamik 50 %-iinik, piniarnermit, aallaaniarnermit aalisarnermillu isertitanit tamarmiusuneersunik isertitaqartartunut, tak. § 8.

Imm. 2. Imm. 1-imi, nr. 1-5, piumasaqaatit apeqqutaatinnagit Naalakkersuisut inuussutissarsiutigalugu piniarnermut aallaaniarnermullu akuersissuteqarnissamut piumasaqaatit pillugit malittarisassanik sukumiinerusunik aalajangersaasinnaapput.

§ 8. Pineqartup isertitaasa tamarmiusut nalilersuiffigineranni pissutsit tulliuuttut ilanngunneqassapput, tak. § 7, imm. 1, nr. 5:

- 1) Angallatit 25,5 meteri tikillugu tamakkerlugu takissusillit (t.t.) atorlugit aalisarnermit isertitat tamarmiusut, piniarnermit, aallaaniarnermit aalisarnermillu isertitat tamarmiusut nalunaarsornerannut ilanngunneqassapput.
- 2) Isertitat tamarmiusut, akiliisitsilluni tammajuitsussarsiniarlunilu aallaaniartitsinermik aaqqissuussinermeersut imaluunniit akiliisitsilluni tammajuitsussarsiniarlunilu aallaaniartitsinermut atatillugu ilisimasortatut sulinermeersut, piniarnermit, aallaaniarnermit aalisarnermillu isertitat tamarmiusut nalunaarsornerannut ilanngunneqassapput.
- 3) Inuussutissarsiutigalugu piniartuunermit piginnaasat pissarsiarineqarsimasunut attuumassuteqartumik takornariartitsinermut imaluunniit pinngortitami misissuinermut ilisimatusarnermulluunniit atatillugu sullissinernit isertitat, piniarnermit, aallaaniarnermit aalisarnermillu isertitat tamarmiusut nalunaarsornerannut imaluunniit isertitat tamarmiusut tamakkerlugit nalunaarsornerannut ilanngunneqassanngillat.
- 4) Qinikkatut pisortanillu toqqakkatut suliassaqartitaanermut aningaasarsiat aamma akissarsiat imaluunniit inuussutissarsiutigalugu piniartut kattuffiisa/peqatigiiffiisa siulersuisuini sulinermit aningaasarsiat, piniarnermit, aallaaniarnermit aalisarnermillu isertitat tamarmiusut naatsorsorneqarnerannut imaluunniit isertitat tamarmiusut tamakkerlugit naatsorsorneqarnerannut ilanngunneqassanngillat.

Sunnigiffimmi piniarsinnaanermut allagartaq

§ 9. Sunnigiffimmi piniarsinnaanermut aallaaniarsinnaanermullu akuersissut inunnut aqqaneq-marlunnik ukioqalereersimasunut Kalaallit Nunaannilu aalajangersimasumik najugaqartunut tunniunneqarsinnaavoq.

Inuussutissarsiutigalugu aamma sunnigiffimmi aallaaniarsinnaanermut allagartamut immikkut ittumik akuersissuteqarneq

§ 10. Naalakkersuisut immikkut ittumik akuersissuteqarneq nalunaarutigisinnaavaat:

- 1) §§-it 7-9-nit, inuk pineqartoq piffissani taaneqartuni ilinniarnermik assigisaannilluunniit peqquteqartumik Kalaallit Nunaata avataaniikkallarsimappat imaluunniit qinnuteqartup Kalaallit Nunaannut attuumassuteqarnera naleqquttutut nalilerneqarpat,
- 2) § 7, imm. 1, nr. 5-mit aamma § 8-mit, inunnut manna tikillugu pingaarnertut inuussutissarsiuteqarsimannigtsunut,
- 3) § 7, imm. 1, nr. 5-mit aamma § 8-mit, isertitat amerlassusissaat pillugu piumasaqaatit eqquutsinneqannginnerinut sunneeqataasut pissutsit immikkut ittut atuussimanerat uppersarnerqarsinnaagaangat,
- 4) § 7, imm. 1, nr. 5-mit aamma § 8-mit, inunnut siusinnerusukkut piniarnermik, aallaaniarnermik aalisarnermillu pingaarnertut inuussutissarsiuteqarsimasunut,

aallaaniartarnej pillugu qarasaasiami toqqorsivimmi digitalinngorlugu
uppernarsarneqarsinnaasumik, aamma

5) § 7, imm. 1, nr. 4-mit, inuk 18-init inorlugit ukiulik piniarnermut aallaaniarnermullu
atortunik pisariaqartunik atornissaannut periarfissaqarpat aammalu piniarnermut
sunngiffimmi atuuttumik allagartaqarpat.

Isumaginninnikkut suliffeqarfinnut atuarfinnullu immikkut ittumik akuersissuteqarneq

§ 11. Inuussutissarsiutigalugu imaluunniit sunngiffimmi piniarsinnaanermut allagartamik
atuutilersitsinerlut atallilugu §§ 7-imi aamma 9-mi aalajangersakkanit Naalackersuisut
isumaginninnikkut suliffeqarfimmut immikkut ittumik akuersissuteqarnermik
tunniussisinnaapput, suliffeqarfiup inunnik perorsaanermit suliaqarnermini piniarnej
aallaaniarnerlu periutsit ilaattut atortarpagit aamma atuarfinnut piniarnej aallaaniarnerlu
atuartitsinerup ilaattut pingaaruteqartut ilaappata. Aalajangersagaq una malillugu immikkut
ittumik akuersissuteqarnikkut inuussutissarsiutigalugu imaluunniit sunngiffimmi
piniarsinnaanermut allagartamik atuutilersitsinermit, piniakkanik killilersukkanik
piniarsinnaaneq Naalackersuisut killilivigisinnaavaat mattussisinnaallutilluunniit.

Imm. 2. Inatsisartut inatsisaat una naapertorlugu maleruagassat atuutilersinneqartut
peqataasuniit eqquutsinneqarnissaat suliffeqarfimmi atuarfimmiluunniit pineqartumi aqutsisut
akisussaaffigaat.

Akuersissuteqarneq aamma akuersissut

§ 12. Piniakkanik assigiinnik assigiinngitsunilluunniit piniarnej aallaaniarnerlu
piumasaqaateqarfiusinnaavoq, inuup pineqartup taama iliornissamut akuersissummik
peqarnissaanik imaluunniit inuit pineqartut taama iliornissamut akuersissuteqarnissaannik.

Imm. 2. Kommuunit pineqartut qinnuteqartunut piniarnermut allagartamik atuuttumik
pigisaqartunut aamma aqutsiveqarfimmi inuit allattorsimaffianni najugaqartunut,
akuersissutinik akuersissuteqarnernillu tunniussillutillu agguaassisinnaapput. Taamaattorli
piniakkat aalajangersimasut ilanngunneqanngitsoorsinnaapput.

Imm. 3. Aalajangersagaq imm. 2-miittoq apeqquataatinnagu, aqutsiveqarfimmi pineqartumi
pisassiissutit killilersugaanngippata, pisuni immikkut ittuni qinnuteqartoqarnera malillugu
inuit aqutsiveqarfinni allani najugaqartut aqutsiveqarfimmi piniarsinnaanerat, Aalisarnermut
Piniarnermullu Naalackersuisoqarfiup akuerisinnaavaa, imaluunniit uumasogatigiiat
immikkoortut kommuunit arlallit akimorlugit siaruaassimasuuppata, taassumalu ataani
aqutsiveqarfiit arlallit.

Imm. 4. Piniakkanut killilersukkanut akuersissutinik agguaassinermi piniutinik angallatinillu
pisariaqartunik pigisaqarnissamik Naalackersuisut piumasaqaateqarsinnaapput.

§ 13. Piniakkanik killilersukkanik inuussutissarsiutigalugu piniarnissamut
aallaaniarnissamullu akuersissut akuersissuteqarnerlu, inunnut 15-inik ukioqalereersunut

inuussutissarsiutigalugulu piniarnermut allagartamik pigisaqartunut qinnuteqarnerup kingorna tunniunneqarsinnaapput.

Imm. 2. Qinnuteqaatinut tiguneqarsimasunut sanilliullugu kommuunimi ataatsimi piniakkat killilersukkat piniarnissaannut akuersissutit akuersissuteqarnerillu ikinnerusimappata, tulleriarineq malillugu agguataarineq ingerlanneqassaaq tassanilu ukiumi kingullermi pisat kiisalu akuersissutit akuersissuteqarnerillu atunngitsuukkat ilanngullugit nalilersorneqassapput. Tamatuma agguassineq suli aalajangiiffigisinnaanngippagu, akuersissutit makitsissutigineqarsinnaapput.

Imm. 3. Aqutsiveqarfinni isorartuuni akuersissutit arlaqartut piniartunut ataasiakkaanut tunniussorneqarsinnaapput, piniarneq imminut akilersinnaasunngortikkumallugu.

Imm. 4. Makitsinermut atatillugu, tak. imm. 2, akuersissutinik tunniussisartutut oqartussaasoq tulleriarinerimik utaqqisut allattorsimaffiannik akuersissutinik agguasseqqinnermi atorneqartussamik makitsissaaq.

Imm. 5. Kikkut tamarmik makitsineq malinnaavigisinnaassavaat, tak. imm. 2. Makitsinissaq kingusinnerpaamik sapaatip akunneranik sioqqullugu akuersissutinik tunniussisartutut oqartussaasup pineqartup, makitsinissamut piumasaqaatit, piffissaq aamma sumiiffissaq tamanut saqqummiutissavaa.

Imm. 6. Piniakkanik killilersukkanik inuussutissarsiutigalugu piniarsinnaanermut aallaaniarsinnaanermullu akuersissutinik akuersissuteqarnernillu agguassisarnermut maleruagassanik ersarinnerusunik Naalackersuisut aalajangersaasinnaapput.

Imm. 7. Piniakkanut killilersukkanut akuersissut aamma inuussutissarsiutigalugu piniarsinnaanermut akuersissuteqarneq, imm. 1 naapertorlugu piumasaqaateqarfiusinnaavoq, inuk pineqartoq akuersissummik tunniussisoqarnissaa sioqqullugu nunap immikkoortuani aqutsiveqarfiusumi qinnuteqarfigineqartumi minnerpaamik qaammatini pingasuni ataannartumik najugaqarsimanerminut uppernarsaateqassasoq.

§ 14. Piniakkanik killilersukkanik sunngiffimmi piniarsinnaanermut aallaaniarsinnaanermullu akuersissut, qinnuteqarnerup kingorna inunnut 15-inik ukioqalereersimasunut Kalaallit Nunaannilu aalajangersimasumik najugaqartunut, piffissarlu qinnuteqarfik sioqqullugu ukiuni kingullerni marlunni Kalaallit Nunaanni ataannartumik aalajangersimasumik najugaqareersimasunut tunniunneqarsinnaapput.

Imm. 2. Aalajangersagaq imm. 1-imiittoq apeqqutaatinnagu, piniakkanik killilersukkanik sunngiffimmi piniarsinnaanermut aallaaniarsinnaanermullu akuersissut qinnuteqarnerup kingorna inunnut tunniunneqarsinnaavoq, inuk taanna:

- 1) Kalaallit Nunaanni aalajangersimasumik najugaqarpat, aamma
- 2) piffissaq qinnuteqarfik sioqqullugu ukiuni qulini kingullerni sivikinnerpaamik ataavartumik ukiuni marlunni Kalaallit Nunaanni aalajangersimasumik najugaqarsimappat.

§ 15. Piniarsinnaanermut allagartanik, akuersissuteqarnernik akuersissutinillu atuutilersitsisarneq, pissarsiniartarneq aamma annasaqarneq pillugit Naalackersuisut maleruagassanik ersarinnerusunik aalajangersaasinnaapput. Tamatuma saniatigut

akuersissuteqarnermik, akuersissutinik aamma piniarsinnaanermut allagartanik atuutilersitsinermut akiliuteqartoqarnissaa Naalakkersuisut piumasarisinnaavaat.

Imm. 2. Naalakkersuisut imm. 1 malillugu maleruagassanik atuutilersitsinermut atatillugu aalajangiisinnaanermut pisinnaatitaanertik kommunalbestyrelsimut tunniussinnaavaat, tak. §§-it 7 aamma 9.

Imm. 3. Akiligassap akilerneqarnissaa pisimangippat, tak. imm. 1, akuersissuteqarnerup imaluunniit akuersissutip atorneqarsinnaanerata killiliiffigineqarneranik kinguneqarsinnaavoq kiisalu pisuni ilungersunartuni imaluunniit pisuni iliuuserisimasanik uteqattaariffiusuni akuersissuteqarnerup imaluunniit akuersissutip atorunnaarsinneqarneranik kinguneqarsinnaavoq, taamatuttaaq akiligassamik akileereertoqartinnagu akuersissummik nutaamik atuutilersitsisoqannginnissamik.

Akiliisitsilluni aallaaniartitsineq

§ 16. Inuit piniarnermut aallaaniarnermullu peqataarusuttut, §§-ini 7-mi 9-milu ilaangitsut, piniarnermut aallaaniarnernullu suugaluartunulluunniit immikkut akuersissummik peqassapput. Aallaaniarsinnaanermut pisinnaatitsissut, akiliuteqarluni aallaaniarnikkut pissarsiarineqarsinnaavoq.

Imm. 2. Inuit §§-imi 7-mi aamma 9-mi pineqartut kisiannili Inatsisartut inatsisaat una naapertorlugu maleruagassat atuutilersinneqartut malillugit piniakkanik aallaaniarnissamut akuersissummik pissarsisimangitsut, aallaaniarsinnaanermut pisinnaatitsissummik pissarsisinnaapput, inuit imm. 1-imut ilaasut assigalugit.

Imm. 3. Naalakkersuisut akuersissutinik imm. 1-mi aamma 2-mi taaneqartunik atuutilersitsinermut atatillugu akiliummik akiliuteqartoqarnissaanik piumasaqaateqarsinnaapput. Akiliutip annertussusissaa nalunaarut aqutigalugu aalajangersarneqassaaq.

Imm. 4. Imm. 1-mi aamma 2-mi akuersissutinik taaneqartunik atuutilersitsisarneq, pissarsiniartarneq aamma annasaqarneq pillugit maleruagassanik ersarinnerusunik Naalakkersuisut aalajangersaasinnaapput. Maleruagassanik atuutilersitsinermut atatillugu allaffisornikkut ingerlatsinerup pisariaqartup isumagineqarnissaa kommuuninut Naalakkersuisut peqqussutigisinnaavaat taamatuttaaq suliffeqarfiit takornariartitsinermilu peqatigiiffiit ingerlatsinermik isumaginninnissaannik Naalakkersuisut pisinnaatitsisinnaapput.

§ 17. Aallaaniarnerit ilaat aatsaat akiliisitsilluni aallaaniartitsisartuq akuerisaasoq peqatigalugu ingerlanneqarsinnaasut pillugu Naalakkersuisut malittarisassanik aalajangersaasinnaapput.

§ 18. Akiliisitsilluni aallaaniartitsisartut akuerineqarnissap angunissaa annaaneqarnissaalu pillugit maleruagassanik ersarinnerusunik Naalakkersuisut aalajangersaasinnaapput,

matumani akiliisitsilluni aallaaniartitsinermi ilisimasortanik atuisarneq akuersisarnerlu ilanngullugit.

Aallaaniarsinnaanermut misilitsinneq

§ 19. §§-it 7, 9 aamma § 16 malillugit aallaaniarsinnaanermut allagartamik pissarsinissamut piunasaqaatit aallaaniarsinnaanermut misilitsinnissaq pillugu aalajangersakkamik Naalakkersuisut aalajangersaasinnaapput.

Imm. 2. Aallaaniarsinnaanermut misilitsinnissamut akiliuteqartoqarnissaa Naalakkersuisut piunasarinnaavaat.

Imm. 3. Imm. 1 malillugu maleruagassanik atuutilersitsinermit atatillugu allaffissornikkut ingerlatsinerup kommuunit isumagineqarnissaa Naalakkersuisut piunasarinnaavaat.

Kapitali 3

Eqqissisimatitsineq, piujuaannartitsiniarluni teknikkikkut iliuutsit, atuineq il.il.

Eqqissisimatitsinermik, piniarnermik aallaaniarnermillu malittarisassiornermi iliuuserineqartut

§ 20. Piniarnermik aallaaniarnermillu malittarisassiornermut iliuusissat Naalakkersuisut ingerlassinnaavaat matumani ilanngullugu tullinnguuttut pillugit maleruagassat aalajangersaaffigineqarnerat:

- 1) Piffissat eqqissisimatitsiffiusut aamma nunap immikkoortui piniarfigeqqusaanatillu aallaaniarfigeqqusaanngitsut kiisalu taakkunani eqqissisimatitaasuni piniarnermut aallaaniarnermillu atatillugu angalasinnaanissamut.
- 2) Pisanik piniarnermillu inerteqqutit imaluunniit killilersuinerit.
- 3) Pisarineqarsinnaatitaasunik uumasogatigiikkuutaartumik, piffissaliussakkuutaartumik aamma aqutsiveqarfikkuutaartumik immikkoortitsineq.
- 4) Ukioqatigiiat, uumasogatigiiat, kommuunit, aqutsiveqarfiit, angallatit ataatsimoortut, angallatit ataasiakkaat, assartuutit imaluunniit piniarnermut atortut piniariaatsillu malillugit pisarineqarsinnaatitaasut amerlassusissaannik agguanneqarnissaannik agguateqqinneqarnissaannillu §§-ini 7, 9 aamma § 16 naapertorlugit piniakkanut suussusersisanut pisassiissutaasut ersarinnerusumik aalajangersarneqarnerat.
- 5) Piniakkat angisusaat, utoqqaassusaat suaassusaallu.

Piniakkanik aallaaniarnissamut piunasaqaatit

§ 21. Piniakkanik piniarsinnaanermut aallaaniarsinnaanermullu piunasaqaatit pillugit Naalakkersuisut maleruagassanik atuutilersitsinnaapput, makku ilanngullugit:

- 1) Inunnut §§-it 7, 9 aamma § 16 naapertorlugit piniarnermut suussusersisanut piunasaqaatinik naammassinnittunut, piniakkanik ataasiakkaanik aalajangersimasunik piniarsinnaanerat pillugu piunasaqaatit ersarinnerusut aalajangersaaffiginerat.

2) Piniarnermi atortulersuutiniq aamma piniutiniq ilusilersuineq atuinerlu kiisalu angallatinik nunakkoortutiniq, aallaasit imassaasa suuneriniq imaluunniit piniariaatsiniq atuineq.

3) Angallatinik nunakkoortutiniq, atortunik, atortulersuutit ilusaannik, aallaasit imassaasa suuneriniq imaluunniit piniariaatsiniq aalajangersimasunik atuinissamut inerteqquteqarneq killilersuinerlu, aamma

4) Piniarnermi aallaaniarnermilu ileqqorissaarnissamut malittarisassat.

Imm. 2. Pisat plombilernissaat pillugu maleruagassanik Naalakkersuisut aalajangersaasinnaapput, matumani ilaatigut aqqissuussinermik isumaginninneq, plombit atorpeqarnissaannut periutsit aamma plombiliinissamik pisussaaffeqarnerup eqquutsinneqannginnerani kinguneqaataasussat ilanngullugit. Plombeliisarnerup atorpeqarnissaa pillugu maleruagassat atuutilersinneqarsimappata, plombi ikkunneqarsimasoq uppersaatitit ilanngunneqassaaq, tak. § 23, imm. 4 aamma 5.

Uumasunik pissanneqarsimasunik toqutsineq

§ 22. Uumasup eqqorneqarluni aallaaneqarnermi kingunitsianngua toqoreersimanissaa piniartup qulakkeertussaavaa.

Imm. 2. Inuk piniarnerup aallaaniarnerullu nalaani uumasumik pissataqartoq, sapinngisamik piaarnerpaamik uumasup toqunneqarnissaanut pisussaataavaoq.

Imm. 3. Uumasooq pissanneqarsimasooq naneqqinneqanngippat toqunneqarlunilu piniarnerup naammassineranut atatillugu piniartoq pissutsit piviusut pillugit Aalisarnermut Piniarnermullu Naalakkersuisoqarfimmut imaluunniit nakkutilliisutut oqartussaasumut nalunaaruteqartussaavoq.

Imm. 4. Inuk uumasumik allap pissataanik sulilu uumasumik takunnittoq, sapinngisamik uumasumik toqutsissaaq. Toqutsineq piniarnissamut piffissaliussap avataani pippat, pisaq tamarmi Namminersorlutik Oqartussanit tiguneqassaaq. Takunnittup pisussaaffigaa pisaq Aalisarnermut Piniarnermullu Naalakkersuisoqarfimmut nalunaarutigissallugu, tassanilu aalajangerneqassaaq uumasooq tamakkerlugu ilaaluunniit qanoq pineqassanersoq.

Pisanik atuineq, tunisineq tuniniaanerlu

§ 23. Kommuunip imaluunniit nunaqarfiup allaffiani akuersissummut imaluunniit akuersissuteqarnermut piasat naqissuserlugit nalunaarsorneqareersimatinnagit, najukkami kalaalimineerniarfimi tuniniaaffinniluunniit allani piniakkanik killilersukkaniit akuersissutitalimmillu piniarneqartartuniit pisat tuniniaqqusaanngillat.

Imm. 2. Tuniniaaqqinnermi kissaateqartoqarneratigut pisap oqartussaasunit eqqortunit nalunaarsorneqarsimaneraniq uppersaammik takutitisoqarsinnaasassaaq, tak. imm. 1.

Imm. 3. Suliffeqarfinnut, atorfeqarfinnut neriniartarfinnuluunniit toqqaannartumik piniakkanik killilersukkanik tunisineq inuussutissarsiutigalugu piniartunit inuussutissarsiutigalugulu piniarsinnaanermut allagartamik atuuttumik imaluunniit

akuersissuteqaammik pigisaqartunit pisaqarnissamullu akuersissummik naqissusikkamik peqartunit taamaallaat ingerlanneqarsinnaavoq.

Imm. 4. Suliffeqarfiit, atorfeqarfiit neriniartarfiillu, tak. imm. 3, pisarineqartoq inuussutissarsiutigalugu piniartunit inuussutissarsiutigalugulu piniarsinnaanermut atuuttumik allagartamik pigisaqartunit pisaqarnissamullu akuersissummik imaluunniit akuersissuteqarnermik naqissusikkamik peqartunit pisiaasoq uppernarsarsinnaassavaat.

Imm. 5. Uppernarsaat, imm. 4 takuuk, tassaavoq pisinermut uppernarsaat atsiorsimasoq inuussutissarsiutigalugu piniarnermut allagartap pisaqarnissamullu akuersissutip imaluunniit akuersissuteqarnerup naqissusersimasup assilineranik ilalik.

Imm. 6. Inuit inuussutissarsiutigalugu piniarsinnaanermut allagartamik pisaqarnissamullu akuersissummik imaluunniit akuersissuteqarnermik naqissusikkamik peqartut kisimik piniakkat killilersukkat mattaanik, orsuanik, amianik, niaquanik, nassuinik, saarniginik, kukiinik, neqaanik, kigutaanik/tuugaavinik, qiviunik aqajaruanilluunniit tunisiseqqusaapput tuniniaaqusaallutilluunniit. Pisap ilaanut ataasiakkaanut akuersissutip assilineranik imaluunniit akuersissuteqarnerup assilineranik pisanut qilerunneqarsimassaaq. Taamaattoq uppernarsaammik imm. 4-mi taaneqartumik peqarsimagunik pisiniarfiit il.il. pisat ilaannik pineqartunik tuniniaaqqissinnaapput.

Imm. 7. Unioqutitsilluni pisarineqarsimasup pisap mattaanik, orsuanik, amianik, qiviunik, niaquanik, nassuinik, saarniginik, kukiinik, kigutaanik/tuugaavinik aqajaruanillu kiisalu avataanik allanik pisineq tunissutisinerlu inerteqqutaavoq.

Imm. 8. Naalakkersuisut pisanik tuniniaaneq pillugu malittarisassanik sukumiinerusunik aalajangersaasinnaapput.

§ 24. Inuussutissarsiutigalugu piniarnissamut akuersissummi, uumasup pisap ilivitsup ilaanilluunniit tuniniarnera, uumasut nakorsaqarfianit aamma inuussutissalerinermut oqartussaasunit akuerisaasumut, neqaarniamut imaluunniit tunitsiviusumut ingerlanneqassasoq imaluunniit inuussutissarsiutigalugu piniartoq tunisinissamut akuersissummik atuuttumik peqassasoq piumasagaatigineqarsinnaavoq.

Imm. 2. Sunngiffimmi aallaaniartartut tunisisinnaanerat aamma kalaalimineerniarfimmi tuniniaasinnaanerat pillugit kommuunit ataasiakkaat aalajangersaassapput. Uppernarsaateqarnissamik piumasagaat, § 23, imm. 1-imi taaneqartoq atuuppoq.

Imm. 3. Inuussutissalerinermi inatsimmi qaqugukkulluunniit atuuttumi piumasagaatit aalajangersarneqarsimasut, aamma maleruagassani taanna malillugu atuutilersitani, kalaalimineerniarfimmi uumasunik tunisinermi tuniniaanermilu eqquutsinneqassapput taamaallaallu tunngaviusumik piffissani piniarfiusuni ingerlanneqassaaq.

Imm. 4. Pisat suliarinissaannut, atorluarnissaannut, tuninissaannut tuniniarnissaannullu maleruagassanik sukumiinerusunik Naalakkersuisut aalajangersaasinnaapput, matumani uumasut unioqutitsinikkut pisat imaluunniit uumasut imminut illersorniarluni pisat ilivitsut ilaannilluunniit, pisortat suliffeqarfiutaannut imaluunniit najukkami innuttaasunut agguanneqassanersut aalajangiisinnaanerat ilanngullugu.

Imm. 5. Suliffeqarfinnut, atorfeqarfinnut neriniartarfinnullu toqqaannartumik tunisisinnaanermut piunasaqaatit, pingaarnertut tunisassioortut pikkorissartoqarnissaa pillugu maleruagassanik Naalakkersuisut aalajangersaasinnaapput, tak. § 23, imm. 3.

Ataatsimoorluni piniarneq

§ 25. Ataatsimoorluni piniarnerup ingerlanneqarnissaa pillugu maleruagassanik ersarinnerusunik Naalakkersuisut aalajangersaasarput.

Imm. 2. Ataatsimoorluni piniarnermut atatillugu peqatigiiffiit kattuffiillu ataatsimoorluni piniarnerup aqutsisussaanic toqqaanissamik Naalakkersuisut pisinnaatissinnaavaat.

Imm. 3. Ataatsimoorluni piniarnermi peqataanissaq pillugu piunasaqaatit qaqugukkulluunniit atuuttut naapertorlugit, ataatsimoorluni piniarnermi peqataasutut allatulli, piunasaqaatit ataatsimoorluni piniarnermi aqutsisup eqquutsissavai.

Imm. 4. Inatsisartut inatsisaat una malillugu taannalu naapertorlugu maleruagassat aalajangersarneqarsimasut malillugit piniarnerup ingerlanneqarnissaa, ataatsimoorluni piniarnermi peqataasut tamakkerlutik akisussaaffigaat. Inatsisartut inatsisaanni maleruagassat naapertorlugit pisanik nalunaaruteqarnissaq pisimanngippat, nalunaaruteqannginnermut tassunga peqataasut tamakkerlutik akisussaasuupput.

Piniariaaseq aallaaniariaaseq atortullu

§ 26. Timmisartut, qulimiguullit qamutillu motorillit, matumani qamuteralaat ATV-llu ilanngullugit kiisalu angallatit uuttuutaat malillugu 15 meterinit takissusaa tamakkerlugu (t.t.) takinerusut, aallaaniarnerup ingerlanerani imaluunniit piniariarfimmut piniariarfimmiillu assartuinnermi uumasunut 500 meterinik qaninnerusumi atoqqusaanngillat. Taamaattoq piniakkanut killilersukkanut immikkuullarissunut atatillugu angallatit takissusissaat pillugu allanik aalajangersagaqarsinnaavoq. Piniarnermi aallaaniarnermilu drone-t atornissaat inerteqqutaavoq.

Imm. 2. Uumasunik piniakkanik aalajangiiniarnermi toqunartut, nammineq seqqortussiat, kiisartut, nigarsiniutit teknikkikkulluunniit atortut allat atornissaat inerteqqutaavoq. Tamannali piniakkanut imaaniittunut atuutinngilaq, taakku tuukkaq imaluunniit atortulersuut assingusoq atorlugu aalajangersorneqaqqusaammata kiisalu puisinniarnermut aamma qilalukkanik qaqortanik qernertanillu piniarnermut qassutit atoqqusaammata.

Imm. 3. Piniarnermi aallaaniarnermilu aallaasit eqiinnartakkat eqittaannartakkallu atornissaat inerteqqutaavoq, taamaattoq tak. imm. 4.

Imm. 4. Uumasut piniakkat, nunap immallu immikkoortuisa piffissallu ilaannut § 7 malillugu inuussutissarsiutigalugu piniarnermut aallaaniarnermullu aallaasit eqittaannartakkat atorneqarnissaannut maleruagassanik Naalakkersuisut atuutilersitsisinnaapput.

Imm. 5. Piniakkanik aalajangersimasunik aallaaniarnermi piniarnermi atortut suut kiisalu periutsit suut atorneqaqqusaanissaannut maleruagassanik Naalakkersuisut aalajangersaasarput, matumani ileqqutoqqat malillugit atortut periutsillu kiisalu aallaasit

kaliberit minnerpaaffissaat kiisalu aallaasit imassaasa suunissaat angissusissaallu ilanngullugit.

Imm. 6. Pisap atorneqarsinnaasortai tamaasa soorlu assersuutigalugu neqaa, mattaa, orsua aamma amia piniariarfimmiit angerlaanneqassapput qimatulineqassallutilluunniit. Pisaqarfiup pilaffiulluunniit qimannissaa sioqqullugu perlukut sapinngisamik peerneqassapput.

Imm. 7. Naalackersuisut piniarnermut aallaaniarnermullu atatillugu assartuutit motoorillit atorneqarnerat pillugu aalajangersakkanik atortussanngortitsisinnaapput.

Kommuunimi aqutsineq ingerlatsinerlu

§ 27. Inatsisartut inatsisaat una malillugu maleruagassanik atuutilersitsinermut atatillugu aqutsinermi ingerlatsinissamik pisariaqartumik isumaginninnissaq Naalackersuisut kommuuninut suliareqqusinnaavaat, matumani aamma kommuunimi ileqqoreqqusaaq aqutugalugu najukkami uumasogatigiiiaanik nunap immikkoortuinut killilikkanut uumasogatigiiat siammarfigisimasaanni, ingerlatsineq ilanngullugu.

Imm. 2. Pisassiissutit pisarineqarsimangitsut agguanneqaqqinnissaannut akisussaaffik Naalackersuisut kommuuninut tunniussinnaavaat. Agguasseqqinnerup inenera Aalisarnermut Piniarnermullu Naalackersuisoqarfimmu agguasseqqereernerup kingusinnerpaamik ullut pingasut kingorna nalunaarutigineqassaaq.

Imm. 3. Piniarneq pillugu Siunnersuisoqatigiit kattuffiillu attuumassuteqartut allat tusarniaaffiginerisa kingorna, Inatsisartut inatsisaat una malillugu aqutsineq, nunap immikkoortuanut killilikkanut tunngasoq, tamakkiisuusoq ilaannakuusorluunniit kommuunip aqutsivianut Naalackersuisut tunniussinnaavaat, tak. imm. 1.

Imm. 4. Aqutsinerup kommuunimut tunniunneqarneranut atatillugu Naalackersuisut piunasaqaatinik aalajangersaasinnaapput, tak. imm. 3.

Imm. 5. Naalackersuisunit piginnaatitsissut malillugu kommuunimut imm. 1 aamma 3 naapertorlugu kommuunip ileqqoreqqusaa aqutugalugu kommunalbestyrelsit maleruagassiussapput, Naalackersuisunit akuersissutigineqartunit.

Kapitali 4

Pisanik nujuartanillu uumassusililerinikkut misissuinerit aamma statistikki

§ 28. Aalajangersakkat Inatsisartut inatsisaat una imaluunniit taanna naapertorlugu aalajangersakkat atuutilersinneqarsimasut apeqquataatinnagit, nunap pisuussutaanik uumasunik piniarneqarsinnaasunik imaluunniit ilisimatusarnermi misissuinerit ilaasumik misissuinerup ilaatut, piniarnissamut aallaaniarnissamullu akuersissummik Naalackersuisut tunniussisinnaapput.

Imm. 2. Uumasut nujuartat pisuussutit piujuarnissaat imaluunniit aqutsinermi anguniakkap qulakkeernissaat siunertarineqarsimappat, uumasut aalajangersimasut nunap immikkoortuani killilikkami toqunneqarnissaat pillugit maleruagassanik Naalackersuisut atuutilersitsisinnaapput.

Uumasunik nujuartanik nikeriarsinnaajunnaarsitsineq, ungoorineq, passussineq aamma pinngortitamut inissiineq

§ 29. Uumasunik nujuartanik nikeriarsinnaajunnaarsitsineq, ungoorineq, passussineq aamma pinngortitamut inissiineq kiisalu aallaaniarsinnaaneq imaluunniit allatut inuussutissarsiutigalugu atuinissaq uumasooqatigiiaanillu pilersitsinissaq siunertaralugu uumasunik pinngortitamut inissitanik aqutsineq pillugu maleruagassanik Naalakkersuisut atuutilersitsisinnaapput.

Statistikki aamma uumassusililerinikkut misissugassat

§ 30. Naalakkersuisut maleruagassanik atuutilersitsisinnaapput taakkulu malitsigisaannik §§-it 7 aamma 9 malillugit piniarnermut allagartamik kiisalu § 16 malillugu akuersissummik piginnittut pisat pillugit paasissutissanik tunniussaqaassapput kiisalu uumassusililerinikkut nalilersuinissamut aqutsinermullu atugassanik misissugassanik pisaneersunik tunniussisassallutik. Nalunaarsuiffik uumasuniillu misissugassat piniakkap pisarineqarfianut kommuunimut tunniunneqaassapput, taassuma apuunneqarfissaanut nassiussineq isumagissammagu.

Imm. 2 Ataatsimoorluni piniarnermi pisamik nalunaaruteqarnermi, ataatsimoorluni piniarnermut aqutsisutut toqqarneqarsimasumit pisat nalunaarutigineqaassapput, piniaqataasimasut tamarmiusut aqqi inuttullu normui nalunaarutigalugit.

§ 31. Ikkuttakkat, ilisarnaatit, radiukkut qaammataasakkullu nassitsissutit kiisalu ilisarnaatit allat uumasunit nassaaneersut pisaneersulluunniit Pinngortitaleriffimmut nassiunneqaassapput, tassungalu ilanngunneqaassapput uumasooq sumi qangalu pisarineqarsimanngikkuni nassaarineqarsimanersoq pillugit paasissutissat.

Kapitali 5

Uumasut ajornartorsiutaasut

§ 32. Uumasut kiisortut, soorlu assersuutigalugu nanoq imaluunniit amaroq qanillisarnissaat, ujartornissaat, malersornissaat imaluunniit allatut akornusersornissaat inerteqqutaavoq.

Imm. 2. Imm. 1 apeqqutaatinnagu uumasut kiisortut imm. 1-imi taaneqartut ujartornissaat malersornissaallu inerteqqutaanngilaq, tamanna uumasumik kiisortumik unioqquטיםuunngitsumik aallaaniarnermut, akiliisitsilluni piniarnertaqanngitsumik takornariartitsinermut imaluunniit inuit najugaqarfianniit qimaatitsiniarnermut atatillugu pisimappat, tak. imm. 3.

Imm 3. Politiit, nakkutilliinermut oqartussat, kommunefogedit, inuilluunniit allat Aalisarnermut Piniarnermullu Naalakkersuisoqarfimmiit pisinnaatinneqartut uumasunik kiisortunik inoqarfimmiit eqqaaniilluunniit qimaatitsiniarsarinerat akornusersornissaa inerteqqutaavoq.

Imm. 4. Uumasut kiisortut drone-t atorlugit piniarnermut aallaaniarnermullu atatillugu filmiliarineqarnissaat allatulluunniit malersornissaat inerteqqutaavoq, drone atorneqartoq uumasunik kiisortunik qimaatitsiniarnermut ilisimatusarnermulluunniit atasumik siunertanut atorneqarsimangippat.

Imm. 5. Uumasut ajornartorsiutaasut qimaasaarnissaannut toqunneqarnissaannullu atugassarititaasut pillugit maleruagassanik Naalakkersuisut atuutilersitsisinnaapput, matumani inuup inuuneranik, peqqissusianik pigisaanillu, nunap immikkoortuani piniagassat killeqarneranik aamma ajortianeranik, pisortat pigisaannik kiisalu angallannikkut attaveqaatitigullu pissutsinik qularnaarinissaq siunertarineqarpat.

Allatut ajornartumik iliortariaqarneq imaluunniit imminut illersortariaqarneq

§ 33. Uumasooq allatut ajornartumik iliortariaqarnerup imaluunniit imminut illersortariaqarnerup malitsigisaanik toqunneqarpat, takuuk manna pillugu pinerluttulerinermut inatsimmi maleruagassat, uumasooq tamakkerlugu Kalaallit Nunaanni Namminersorlutik Oqartussanut tunniunneqassaaq. Allatut ajornartumik iliortariaqarnermi imaluunniit imminut illersortariaqarnermi uumasup toqunneqartup tamarmiusup ilaanilluunniit qanoq passunneqarnissaa pillugu Aalisarnermut Piniarnermullu Naalakkersuisooqarfik aalajangiissaaq.

Imm. 2. Allatut ajornartumik iliortariaqarnermi imminulluunniit illersortariaqarnermi toqutsisoqartillugu inuk uumasumik toqutsisoq, kinguarsaanertaqanngitsumik Aalisarnermut Piniarnermullu Naalakkersuisooqarfimmut tamanna pillugu nalunaaruteqassaaq.

Kapitali 6

Piniarneq pillugu Siunnersuisooqatigiit

§ 34. Kattuffinniit suliffeqarfinniillu, piniarnermut aallaaniarnermullu akuusartunik, inuttaqartumik Piniarneq pillugu Siunnersuisooqatigiinnik Naalakkersuisut pilersitsisarput.

Imm. 2. Piniarneq pillugu Siunnersuisooqatigiit katitigaanerat ilaasortaasullu amerlassusissaat pillugit maleruagassanik Naalakkersuisut aalajangersaasarput.

Imm. 3. Sulianut tamatigoortunut qulliunerusunullu § 2, imm. 2-mut aamma 3-mut aamma §§-inut 7-mut, 9-mut aamma 14-27-imut tunngassuteqartunut, Piniarneq pillugu Siunnersuisooqatigiit tusarniaaffiginissaannut Naalakkersuisut pisussaaffeqarput.

Imm. 4. Apeqqutini pisariaqavissuni, imm. 3-mut ilaasuni, Piniarneq pillugu Siunnersuisooqatigiinni ilaasortat ataasiakkaat tamakkerlugit allakkatigut tusarniaaffiginissaat Naalakkersuisut ingerlassinnaavaat. Siunnersuisooqatigiit ataatsimiinnermi isummernissamut periarfissaqanngippata allakkatigut tusarniaaneq atorneqarsinnaavoq.

Kapitali 7

Nakkutilliineq

§ 35. Nakkutilliisutut oqartussaasoq, matumani piniarnermik aalisarnermillu nakkutilliisut ilanngullugit, piniarnermi aallaaniarnermilu angallatinik nunakkoortinillu kiisalu piniarnermut aallaaniarnermullu angallassinutunik nunakkoortinillu unitsitsisinnaavoq angallammullu ikilluni sulinermi iliuusissanik suliaqariartorluni. Nakkutilliisutut oqartussaasup ilaatigut angallatip nunakkoortutillu aamma assingusut uppernarsaatitaanik misissuisinnaavoq aamma piniarnermut aallaaniarnermullu atortunik misissuisinnaalluni. Piniarnermut aallaaniarnermullu atortunik sulinermi misissugassanik pissarsisinneqarnissaq nakkutilliisutut oqartussaasup piumasarisinnaavaa.

Imm. 2. Nakkutilliisutut oqartussaasoq angallatinut nunakkoortinullu umiarsualivimmut aamma sumiiffimmut il.il. toqqakkamut ingerlaqqusilluni peqqusisinnaavoq, misissuinissaq imaluunniit pisanik atortunillu usingiarnissaq siunertaralugit.

Imm. 3. Nakkutilliinermik oqartussaasoq inuillu allat pisinnaatitaasut taamalu iliornissamut Naalackersuisunit toqqarneqarsimasoq, kinaassutsimut uppernarsaammik atuuttumik aamma inummut piniarnermik aallaaniarnermillu ingerlatsinissamut pisinnaatitaasumut akuersissummik saqqummiussinissamik piumasaqaateqarsinnaavoq.

Imm. 4. Piginnaatitsissutit imm. 1 - 3-mi taaneqartut, siumoortumik eqqartuussiviup aalajangiussaanic peqanngikkaluarluni kinaassutsimut uppernarsaammik pissusissamisoortumik takutitsinikkut suliarineqarsinnaapput.

Imm. 5. Imm. 1-3 malillugit nakkutilliinermik oqartussaasup imaluunniit inuup immikkut pisinnaatitaasup suliaassai pillugit maleruagassat sukumiinerusut Naalackersuisut aalajangersarsinnaavaat.

§ 36. Nakkutilliinermut oqartussaasumut angallatip sumiiffianik, sammivianik sukkassusianillu il.il.nassiussuisartumik, angallatit malinnaaviginerannut atortulersuummik ikkussinissaq angallatinut piniariutinut Nakkutilliinermik oqartussaasup piumasarisinnaavaa.

Imm. 2. Angallammik nakkutiginninnermut ataqatigiissumik aaqqissuussinermut taassumalu atornerqarneranut atugassarititaasunut piumasaqaatinut malittarisassat Naalackersuisut aalajangersarsinnaavaat.

§ 37. Nakkutilliinermut oqartussat nakkutilliinerup ingerlannissaanut pisariaqarpat makku pillugit nalunaaruteqarsinnaapput:

- 1) tulaassivissat imaluunniit pilaffissat pillugit naalakkiissutit inerteqqutillu,
- 2) tulaassivissatut piffissaliussat imaluunniit pilaffissatut piffissaliussat pillugit naalakkiissutit inerteqqutillu,
- 3) piniarnermi, tikinnermi, nuussinermi tulaassinermilu nakkutilliinermik oqartussaasup najuunnissaa pillugu naalakkiissut aamma
- 4) siumoortumik pisat oqimaalutarnissaannik nalunaaruteqarnissaq kiisalu oqimaalutaanerup oqimaaluttat uuttuutillu akuerisaasut atorlugit ingerlanneqarnissaa pillugit naalakkiissut.

§ 38. Inatsisartut inatsisaannik uuminnga imaluunniit Inatsisartut inatsisaat una naapertorlugu maleruagassat atuutilersinneqarsimasut eqquutsinneqarnerannik nakkutilliinissamut pisariaqassappat, suliffeqarfinnut, angallatinut nunakkoortinullu,

siumoortumik eqqartuussiviup aalajangiussaaniq peqanngikkaluarluni kinaassutsimut uppersaammik pissusissamisoortumik takutitsinikkut, Nakkutilliinermik oqartussaasoq sukkulluunniit ikisinnaavoq.

Imm. 2. Piginat Inatsisartut inatsisaannik uuminnga taannaluunniit naapertorlugu malittarisassanik aalajangersarneqartunik unioqqutitsinermut atornerqartut piviusumik pasitsaassisoqarsimappat, nakkutilliinermut oqartussat kinaassutsimik uppersaat pissusissamisoortoq atorlugu aamma eqqartuussisunit aalajangiiffiqineqanngitsumik inuit illuutaannut piffissami sukkulluunniit isersinnaapput.

§ 39. Pisanik, Inatsisartut inatsisaat malillugu maleruagassiaanut akerliusumik pisanerqarsimasinnaasunik, tunniussinissap, nassiussinissap tunisinissallu pinngitsoortinnissaat siunertaralugu maleruagassanik Naalakkersuisut atuutilersitsisinnaapput, makku pillugit maleruagassat ilanngullugit:

- 1) Allat pisaannik pissarsisimaneq pillugu paasissutissiinissamut pisussaaffeqarnej.
- 2) Inuit allallu piniarnissamut aallaaniarnissamullu piginnaatitaaffeqanngitsut pisanisimasaannik taakkualuunniit ilaannik pissarsinissamut inerteqqutinik.
- 3) Pisassiissutit nungunneqareernerisa kingorna, uumasunik eqqissisimatitanik imaluunniit pisanik killilersukkanik pisat taakkualuunniit ilaanik tigusinissaq pillugu inerteqquteqarnej.

Imm. 2. Piffissap eqqissisimatitsiffiusup kingorna ullualuit qaangiunnissaasa tungaannut, pisat piffissap eqqissisimatitsiffiup avataani pisanerqarsimasut suliarineqarsimangitsut pillugit aalajangersaasuusunik maleruagassanik Naalakkersuisut atuutilersitsisinnaapput.

Kapitali 8

Pineqaatissiisuteqartarnej

§ 40. Makku pissutigalugit akiliisitsinermik kinguneqarsinnaapput:

- 1) Inatsisartut inatsisaanni § 6, imm. 1, § 12, imm. 1, § 13, imm. 7, § 16, imm. 1 aamma 2, § 22, § 23, imm. 1-4 aamma 6-7, § 24, imm. 3, § 25, imm. 4, § 26, imm. 1-3 aamma imm. 6, § 30, imm. 2 aamma § 32, imm. 1, 3 aamma 4 aamma maligassanik § 15, imm. 1, § 16, imm. 4, §§-it 17-21, § 24, imm. 4 aamma 5, § 25, imm. 1, § 26, imm. 4, 5 aamma 7, § 28, imm. 2, § 29, § 30, imm. 1, § 32, imm. 5, § 36, imm. 2 aamma § 39 naapertorlugit aalajangersarneqarsimasunik unioqqutitsinerit,
- 2) § 35, imm.1-3, § 36, imm. 1, § 37 aamma § 46 malillugit peqqusissummik nalunaarutigineqarsimasumik malinninnginnerit kiisalu § 37 malillugu inerteqqusummik nalunaarutigineqarsimasumik unioqqutitsinerit.
- 3) Inatsisartut inatsisaat naapertorlugu akuersissuteqarnermut, taassuma ataani immikkut akuersissuteqarnerit, Inatsisartut inatsisaat malillugu maleruagassat atuutilersinneqarsimasut ilaginnarneqarpata aamma
- 4) Inatsisartut inatsisaanni piumasarineqartunik imaluunniit Inatsisartut inatsisaat malillugu maleruagassat atuutilersinneqarsimasut naapertorlugit pisortanut oqartussaasunut eqqunngitsunik salloqittaataasunilluunniit paasissutissiisoqarpat, pisortanut oqartussaasunut pisussaaffik malillugu paasissutissiisoqanngippat aamma

5) § 38 malillugu nakkutilliinermi oqartussanik isertitsinngitsoq.

Imm. 2. Inatsisartut inatsisaat imaluunniit najoqqutassat atuutilersinneqartut Inatsisartut inatsisaat akiliisitsissummik aalajangersaanissamik tunngavissaqartitsippata, akiliisitsissut pinerluttulerinermi inatsimmi kapitali 5-imi malittarisassat malillugit inatsisitigut pisinnaatitaasoq pisussaataasorlu akiliisitsissummut akileeqqullugu peqquneqarsinnaavoq.

Imm. 3. Inatsisartut inatsisaannik uannga imaluunniit taanna naapertorlugu najoqqutassanik atuutilersinneqarsimasunik unioqqutitsinerit angallat imaluunniit nunakkoort atorlugu piliarineqarsimasunut tunngatillugu, angallammik piginnittoq imaluunniit atuisoq akiligassamut akiliisussatut peqquneqarsinnaavoq, naak unioqqutitsineq piaaraluni mianersuaalliorluniluunniit ilionertut pineqartumut tutsinneqarsinnaanngikkaluartoq.

Imm. 4. Akuersissuteqarnermi imaluunniit akuersissummi piumasaqaatinik unioqqutitsineq imaluunniit Inatsisartut inatsisaanni uani aalajangersakkanik imaluunniit taanna naapertorlugu maleruagassanik atuutilersinneqartunik unioqqutitsineq, akuersissuteqarnerup imaluunniit akuersissutip atorneqarsinnaanerata killiliiffiqineqarneranik kinguneqarsinnaavoq kiisalu pisuni ilungersunartuni imaluunniit pisuni iliuuserisimasanik uteqattaariffiusuni akuersissuteqarneq akuersissulluunniit atorunnaarsinneqarsinnaavoq.

§ 41. Inuk § 40, imm. 1-mi aamma 2-mi taaneqartunik maleruagassanik piaaraluni imaluunniit arlaleriarluni mianersuaalliorujussuarnikkut unioqqutitsisarsimasoq, pissutsit iliuuserisimasat malitsigisaannik inuup pineqartup siunissami illersorneqarsinnaasumik aallaaniarnermik ingerlatsisinnaannginneranik isumaqalersitsisimappata, piniarsinnaanermut allagartamik peqarsinnaanermut pissarseqqissinnaanermulluunniit pisinnaatitaaffik annaaneqarsinnaavoq. Tamannattaq atuuppoq aallaaniartilluni piaaraluni imaluunniit arlaleriarluni mianersuaalliorujussuarnikkut inummik allamik ajoqusiisimasutut imaluunniit tamatumunnga navianartorsiortitsisimasutut pisuussuteqartumut.

Imm. 2. Inuup piniarnermut allagartamik pissarsisinnaajunnaartitaasimasup imaluunniit inuup § 15 imaluunniit § 16, imm. 4 naapertorlugu piniarnermut allagartaanik arsaarneqarsimasup, piniarsinnaanermut allagartaq kommunip allaffianut tunniutissavaa.

Imm. 3. Piniarsinnaanermut allagartamik arsaagaaneq eqqartuussinermi aalajangeereernermit naatsorsorlugu ukioq ataatsimiit ukiut tallimat tikillugit sivisussuseqarsinnaavoq, imaluunniit utaqqiisaagallartumik. Allagartaajagaaneq utaqqiisaagallartumik pisimappat, ukiut tallimat qaangiunneranni allagartamik suli siviunerusumik arsaagaanissaq pillugu suliaq pinerluttulerinermut inatsimmi § 165-mi malittarisassat malillugit eqqartuussivimmut suliassanngortinneqarsinnaavoq.

§ 42. Eqqartuussisarnermik inatsimmi kapitali 37-mi malittarisassat malillugit Inatsisartut inatsisaanni matumani aalajangersakkanik imaluunniit Inatsisartut inatsisaat una naapertorlugu maleruagassanik atuutilersinneqarsimasunik unioqqutitsisisoqarsimatillugu nakkutilliinermik oqartussaasoq angallatinik aamma assartuutinik kiisalu atortunik aamma pisanik arsaarinnissinnaavoq.

Imm. 2. Nunami allamiut angallataataat Inatsisartut inatsisaannut imaluunniit Inatsisartut inatsisaat naapertorlugu maleruagassanut atuutilersinneqarsimasunut akerliusumik piniarnermik aamma aallaaniarnermik suliaqarsimasut nakkutilliinermik oqartussaasumiit tigummigallarneqarsinnaapput. Nakkutilliinermut oqartussaasup tigummigallaanermik aallartisaanerat eqqartuussisarnermik inatsimmi § 37-mi malittarisassat naapertorlugit ingerlassaaq.

Imm. 3. Iliuserineqartoq pillugu inuk pineqartup qinnuteqaatigissaguniuk, suliaq piaartumik kingusinnerpaamillu nalunaaquttap akunneri 72-it ingerlaneranni politiit eqqartuussivimmu saqqummiutissavaat taassumalu iliuuserineqartoq akuerineqarsinnaanersoq aalajangiiffigissavaa. Kalaallit Nunaata eqqartuussivianut suliamik suliassanngortitsisoqassaaq.

§ 43. Eqqartuussinerup imaluunniit akiligassiisoqarnissaanik aalajangiinerup kingorna, angallat nunakkoorulluunniit, atortui tamaasa ilanngullugit, § 42 malillugu tigummigallarneqartoq, akiligassiinermut akiligassat arsaarinnissutigineqartullu nalingi suliassallu suliarineranni aningaasartuutaasut akilerneqarnissaasa imaluunniit akiligassat qularnaveeqqusernissaasa tungaannut aamma § 45 malillugu iliuusissat naammassineqareernissaasa tungaannut tigummigallarneqarsinnaavoq. Suliassap inaarutaasumik aalajangiivigineqarnerata kingorna qaammatit marluk qaangiutsinnagit tamanna pinngippat angallat atortullu naammassinnissutiginiarneqarsinnaapput.

Imm. 2. Angallammik atuisimasoq taassuminnga pisinnaatitaanani atuisimappat imm. 1-imiittut maleruagassat atorneqarsinnaanngillat.

§ 44. Unioqutitsineq akiliisitsinermiit qaffasinnerusumik kinguneqartinneqassanngitsoq isumaqarfigineqarpat, inuk pineqartoq unioqutitsinermi pisuusutut nassuerpat piffissaliunneqartullu ersarinnerusup ingerlanerani, sivitsuinissap qinnutiginerata kingorna, akiligassap nalunaarummi allanneqarsimasup akilernissaanut piumassuseqarluni nassuerpat, Naalakkersuisut nalunaaruteqarsinnaapput suliaq eqqartuussivimmi suliarineqanngitsumik aalajangiiffigineqarsinnaasoq. Taamatuttaaq arsaarinnittoqarnissaanik piumasaqaateqarnek, tassunga ilanngullugu pigisanik nalilinnik arsaarinnissinnaaneq eqqartuussivikkoortitsinngikkaluarluni aalajangiiffigineqarsinnaapput. Eqqartuussisarnermik inatsimmi malittarisassani unnerluussutip oqaasertaanik pisussaaffeqarnera akiliisitsissummi assinganik atorneqassaaq.

Imm. 2. Suliani allaffissornikkut suliarineqartuni eqqartuussisarneq pillugu inatsimmi § 347, imm. 1 aamma § 437, imm. 2, nr. 2-3 aamma imm. 3 taamatuttaaq atorneqartassapput.

Imm. 3. Akiligassaq piffissaliussap iluani akilerneqarpat akiliisitsiniaaneq unitsinneqassaaq.

§ 45. Pinerluttulerineq pillugu inatsimmi arsaarinnittarneq pillugu malittarisassat Inatsisartut inatsisaanni uani aamma atorneqassapput.

Imm. 2. Taamaattorli angallat nunakkoorulluunniit atorlugu unioqutitsilluni piniarnermi, piniarnermut atortunik atorneqarsimasunik, angallatip nunakkoortilluunniit pisaanik tamanik

taakkualuunniit nalinginik arsaarinnittoqarsinnaavoq, mininneqarsinnaappulli pisat unioqquitsinani ingerlatsinermeersutut uppersarsarneqarsinnaasut.

Imm. 3. Pisuni pisat pillugit paasissutissanik amigartorujussuarnik imaluunniit arlaleriarluni amigartunik paasissutissanik tunniussisoqarsimatillugu, angallammik nunakkoorummilluunniit taassumaluunniit nalinganik arsaarinninneq pisinnaavoq.

Imm. 4. Inatsisartut inatsisaani uani malittarisassat atuutilersinneqartut naapertorlugit aalajangersakkanik unioqquitsineq arsaarinninnikkut pineqaatissiinermik kinguneqarsinnaasoq aalajangersarneqarsinnaavoq.

§ 46. Pisat imaluunniit pisat nalingi imaluunniit taakku ilaannaat arsaarinnissutigineqarpata, arsaarinninnermut atatillugu piniariarnermit allamit pisanut taarsiullugit pisat immikkoortinnissaat nalunaaqutsernissaallu angallammut nunakkoorummulluunniit aamma nakkutilliinermik oqartussaasumit nalunaaqutserneqarnissaat akuerissagaa peqqussutaasinnaavoq. Taama iliornikkut pisat nalingi arsaarinnissutigineqarsimasut pisallu allat akulerussuunneqarsinnaanerit pinngitsoortinneqarsinnaangippat, pisat nalingi arsaarinnissutigineqarsimasut sumiiffimmut aalajangerneqareersumut ingerlanneqassasut imaluunniit qaqinneqassasut angallammut nunakkoorummulluunniit peqqussutigineqarsinnaavoq.

Imm. 2. Kalaallit Nunaata nunakkut aalisarnikkullu oqartussaaffigisaani angallat nunakkoorulluunniit inassisimappat, pisanik immikkoortiterineq nalunaaqutsiinerlu attatiinnarneqarsimassapput.

§ 47. Inatsisartut inatsisaat una imaluunniit taanna naapertorlugu maleruagassat atuutilersinneqarsimasut naapertorlugit akiligassiinerit arsaarinninnerillu, Nunatta Karsianut tunniunneqassapput.

Kapitali 9

Atuutilersitsinermut ikaarsaariartitsinermullu aalajangersakkat

§ 48. Inatsisartut inatsisaat 1. juni 2022-mi atortuulissaaq.

Imm. 2. Ilutigisaanik Piniarneq aallaaniarnerlu pillugit Inatsisartut inatsisaat nr. 12, 29. oktober 1999-imeersoq kingusinnerusukkat allanguutinik ilaqartoq atorunnaarsinneqarpoq.

Imm. 3. Inatsisartut inatsisaani imm. 2 tunngavigalugu malittarisassat atulersinneqartut imaluunniit ingerlatiinnarneqartut atorunnaarsinneqarnissaasa tungaannut imaluunniit malittarisassanik nutaanik taarserneqarnissaasa tungaannut atuutiinnassapput.

Namminersorlutik Oqartussat, ulloq xx.xx. 2022

Naalackersuisut Siulittaasuat